



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Waltherus III. ab Eglofstein, Abbas XXXII.

[urn:nbn:de:hbz:466:1-64362](https://nbn-resolving.de/urn:nbn:de:hbz:466:1-64362)

vit; quin etiam disjectis pontibus Heripolensi, Kitzingensi & Oxoviensi plurima agris, muris & molendinis damna intulit. Annum eundem alio eoque tristiori fato infestum habuit Waltherus. Frater Clericus Wiglinus de Nürnbergia, Diaconus, bacillo, quem manu tenebat, linum soli expositum vertendo, mulieres in tantum furorem egit, ut inconditis vociferationibus viros suos inclamarent, eos ad vindictam, atque adeò ad cædem juvenis concitantes; Quâ etiam illi mulierum querelis exacerbati, in frugibus à cane inventum crudeliter affecerunt. Waltherus decimam in Detzelbach Erhardo de Hirschhorn Canonico Heripolensi oppignoravit, post aliquot annorum spatium recuperandam. Anno gesti officii II. piè decessit.

WALTHERUS III. ab Eglofstein, ABBAS XXXII.

Amisso Walthero 2do Waltherus III. Monasterio nostro Abbas datus est anno 1354., de quo duo notatu digna annales perhibent. Alterum
E est,

est, quod æs campanum insignis magnitudinis
Heripoli fundi curaverit, in turri Templi su-
spensum; cuius exterior facies hos versus exhi-
buit.

Sum vas ex ære: tria nuncio: funera flere,
Festa frequentari, nocuum tempūsque fugare,
Felicitas gaude tantâ dignissima laude !

Jesus Nazarenus Rex Judæorum.

Alterum fuit, quod sylvam Lichtenwald Gottfri-
do de Weipfeld oppignorârit, eâ conditione, ut
siquidem Monasterium eam intra 5. annorum
spatum redimeret, rursus Monasterii esset.

CONRADUS II. de Meynsfeld ABBAS XXXIII.

De Conrado Abate 33. de Meynsfeld dicto,
cui annus 1363. Abbatialem dignitatem contu-
lit, in monumentis nostris altum silentium est;
nisi quòd VII. Idus Junii anni 1374. in vivis esse
desierit.

CRAFF-